

Beberapa Aturan Adat .

Luak Jemrol

Beberapa Aturan Adat

Luak Jempol

Sarikata Atau Seloka Permulaan
Kata Dalam Adat

Bak kata orang tua bila kita disuruh atau kita sendiri nak bercakap dalam adat menjemput atau menanti boleh digunakan senikata ini bila disorongan bekas sirih, cakapnya inilah penyambung lidah cinta bawaan daripada pihak kami, bak kata orang tua-tua batang keluduk batang meranti, ketiga batang pisang, kita duduk ada nan dinanti, yang dinanti pun sudah datang. Batang meranti atas permatang, terbang mari tiga muka, yang dinanti sudah datang, apa bicara nak kita buka. Sederet bendul melintang, bertanggam bendul bertindeh, tertutup hujung alang, terlingkung bendul nan empat, jadi sepuluh menerusi dari hujung sampai ke pangkal, nan kecil saya punya sembah nan besar saya punya salam, salam dari ibu kaki sampai rambut sehelai tok sembah pada Datuk. Kemudian pada itu terbang serindit jalan ke huma, hinggap mari di pokok sena, makan sirih sekapor seorang, kunyah mari bersama-sama, terbang serindit jalan kehuma, hinggap mari atas lantai, minta maaf Datuk-Datuk semua saya bercakap kurang pandai. Tok sembah pada Datuk, usul-usul asal-asal jangan ditinggalkan, kok hujan berphon, sakit bermula mati bersebab tok, maka saya sampai kemari bak kata orang tua-tua adakalanya jalan saja, ada jalan tak sengaja, adakalanya jalan bawa berita tok, sembah pada Datuk, kemudian pada itu maka saya ini bak kata orang tua-tua kok tangga dah saya jingkek, kok atap dah saya seludup, kok lempa dah saya langkahi, kok tikar dah saya duduki, membawa berita dan hajat tok, sembah pada Datuk kok bertanya lepas penat, berunding lepas makan, membilang pada satu, bercakap daripada pangkal, bak kata orang tua-tua hidup peruntungan mati hukum Allah, hidup dikandung adat, mati dikandung tanah tok.

Sampai disini bolehlah dipanjangkan setakat mana yang mampu.

Khas untuk menjemput dan menghantar cincin peminangan.